

Gvangjsih Minzczuz Bau

广西民族报 ganhhau: CN45-0036 B.2020 Nd.12 Ng.23 liggaueq gengcej nienz ndwen'it cogouj

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzczuz Bause
Geizsoq: Gungh daih 3454 geiz
Geiz neix 8 banj

Aenhoih Hong Ginghci Cunghyangh Youq Baekging Hai

12 nyied 16 hauh daengz 18 hauh, Aenhoih Hong Ginghci Cunghyangh youq Baekging hai. Cunghgung Cunghyangh cungjsuhgi, gozgyah cujsiz, Cunghyangh Ginhveij cujsiz Siz Ginbingz, Cunghgung Cunghyangh Cwngcwiz cangzvej, Gozvuyen cunglij Lij Gwzgyangz, Cunghgung Cunghyangh Cwngcwiz cangzvej Liz Cansuh, Vangh Yangz, Vangz Huningz, Cau Lozci, Hanz Cwng camgya hai hoih.

Siz Ginbingz youq gwnz hoih gangjah youqgaenj, cunggez hong ginghci bi 2020, faencek ginghci

dangqanaj, nda hong ginghci bi 2021. Lij Gwzgyangz gangjah nda hong ok banhfap guhndei hong ginghci binaj, caemhcai gangjah cunggez baez hoih neix.

Baez hoih neix nyinhnaeuz, youq ndaw lizsij Cungguk moq, bineix dwg bi mbouj lumj bingzciengz dangqmaz. Miz gozci hingzseiq fukcab haenq-rem, diuzrap gaijgwz hwngfat onjdingh ndaw guk naekgdgdw daegbied deng binghraq bwtndat cungdongj haenq lailai, raeuz youq ciengz gaujsi neix gyau mbawgienj hoizdap hawj lwgminz habhoz, seiqgyaiq cim yawj,

ndaej geiq haeuz sawlzsij bae de. Youq ndaw seiqgyaiq, guk raeuz baenz aen ginghcidij dog hawj ginghci ndaej gyalai, sam ciengz ciengq hoj gung de guh ndaej baenzsah doek-dingh, gohgi cauhamoq yamq baenaj youh hung youh daih, gaijgwz hailangh dwkbyoengq gij gazlaengz youqgaenj, vunlai guhgw guhdaenj miz bauj-cang rengzrwd. Gij baenzsah neix ndaej daeuz mbouj ngaih, ginggvaq geijlai hojnanz, dwg gij hongbaenz miz aen Dangjcunghyangh aeu Siz Ginbingz dungzci guh chehim de daiqlingx rengzrwd cix guhbaenz, dwg gij hongbaenz youz daengx aendangj daengx

bingdoh daengx guk gak cuz lwgminz doxgiet buekguh cix guhbaenz.

Baez hoih neix ciuheuh, gyoengq dungzci daengx aendangj yaek gaenj-ndaet hopheux aen Dangjcunghyangh aeu Siz Ginbingz dungzci guh chehim de, caezhoz guhdoh okrengz, haenq-rengz cauhamoq baenaj, aeu baenzsah ndeindi ciepcoux laeb dangj 100 hopbi, vih hongsaeh yienghyiengh hwnqguh aenguek sevei cuji yen-daiva, saedyienh aen loqsiengj Cungguk Cunghvaz Minzczuz fukhwng hungmbwk de mbouj dingz mbouj duenh haenqrengz buekguh.

(ciuq Sinhvasze)



Aenhoih Cunggez Yindungvei Dijyuz Cienzdoengj Minzczuz Vunznoix Daengx Guek Caeuq Nda Hong Minzczuz Dijyuz Youq Namzningz Hai

Bonjbauq siusik (gicej Liengz Cingz Vangz Yinz) 12 nyied 17 hauh, aenhoih Gvangjsih Daiyaujdonz cunggez Daihcib'it Gaiq Yindungvei Dijyuz Cienzdoengj Minzczuz Vunznoix Daengx Guek (bi' gvaq banh) caeuq nda hong minzczuz dijyuz duenh laeng de youq Namzningz hai. Baez hoih neix yienghyiengh cungj cunggez Gvangjsih Daiyaujdonz camgya baez yindungvei neix guhbaenz gijmaz saeh caeuq miz maz gingniemh, haenhndei caeuq ciengjli doengh cizdij caeuq bouxvunz maenh' ak youq baez yindungvei neix guhbaenz saeh lwenqda, yenzgiu ndaguh hong minzczuz dijyuz duenh laeng. Swcigih fucujisiz Vangz Cinvaz caeuq doengh boux daiyauj doxraen caemhcai gangjah, hab'ingj.

Aenhoih Daengx Gih Minzczunghvej Cujiy Hoihlwnhyaeng Youq Namzningz Hai

Bonjbauq siusik (gicej Cinz Yajnz Vangz Yinz) 12 nyied 18 hauh, aenhoih daengx gih minzczunghvej cujiy hoihlwnhyaeng youq Namzningz hai, gyoengqde lwnhyaeng gij hongsaeh hojguh caeuq vwndiz haenq ndaw hong minzczuz caeuq cunghgyau, hopheux giz cungbyoengq, giz cauhamoq, giz miz daegsaek youh

lwenqda gvendaengz hong binaj caeuq "cibseiq haj" guh dajsuenq caeuq gangjok baenzlawz guh lai ndei. Swcigih Minzczunghvej dangcuz cwngzyenz, fucujyinh Yangz Gijbyauh ndaguh aenhoih doxlnwnhyaeng neix. Aen vej neix mbangj bouxlingjdauj wnq camgya baez hoih neix.

Youq gwnz aenhoih doxlnwn-

yaeng neix, 14 aen si minzczunghvej(giz), 6 aen yienh(gih) minzczunghgiz doxlnwnz gangjah, lwnh bineix guhbaenz gijmaz hongsaeh caeuq binaj baenzlawz dajsuenq.

Swcigih Minzczunghvej ndawde bouxfucwz daeuz gak cusiz, 14 aen si ndawde bouxfucwz minzczunghvej caeuq 23 aen yienh(gih) minzczunghgiz camgya haihoih.

SIUSIK DINJ

● Geij ngoenz gonq, Gvangjsih guhsat hong faen-boiq 28549 fanh maenz cienzngaenz caizcwng cienmonz banggunz (yungh daeuz hwngfat saujsu minzczuz), gij cienzngaenz neix Cunghyangh daezgonq bued hawj Gvangjsih guh hong binaj.

(Lij Yenb)

● 12 nyied 15 hauh, Nanzningz Si Gyanghnanz Gih banh aenban sonlien minzczuz cunghgyau lijn cwngcwz fazliz fazgveih bi 2020, ndaw gih neix doengh bouxfucwz gak aen cwngzyenz danhvei, gak cin (gaihdau), gak cunh (segi) de caeuq bouxguh hong gungh 100 lai vunz camgya sonlien.

(Suh Lungz)

● Gicej 12 nyied 16 hauh cam Nanzningz Haijvanh ndaej rox, bineix 11 ndwen gaxgonq, gij soq Gvangjsih vaihmou gaicawx de gungh 4308.6 ik maenz, beij bi' gvaq caemhseiz gyalai 1%, beij 10 ndwen gaxgonq lai hwnj 0.6%.

(Gangh Anh)

● Laizbinh Si bineix dajsuenq guhsat gyauhdungh guding swchancj douzsw 66.1 ik maenz, 1 daengz 11 nyied guhsat 91.96 ik maenz, guhsat yinvu gaxgonq dingh de 139.1%; aenq daengx bi dajsuenq guhsat 100 ik maenz doxhwnj, neix dwg Laizbinh laeb si doxdaeuz bi ceiq lai ndeu.

(Mungz Cinvangz)